

第一輯

王春瑜 編

廈門大學出版社

中國稀見史料



中國稀見史料

第一輯

王春瑜 編

廈門大學出版社

图书在版编目(CIP)数据

中国稀见史料. 第1辑·第十七册/王春瑜编. —厦门:
厦门大学出版社, 2007: 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行

(地址:厦门大学 邮编:361005)

<http://www.xmupress.com>

xmup @ public.xm.fj.cn

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:14 插页:2

定价:(全四十一册)30 000.00 元

本书如有印装质量问题请直接寄承印厂调换

清蕭兆裕、蕭振聲纂

竟陵蕭氏家乘全書

光緒二十年（1894）刻本

〔清〕蕭兆裕、蕭振聲纂《竟陵蕭氏家乘全書》，光緒二十年（1894）刻本

蕭氏乃史之著姓，其中一支在湖北竟陵蕃衍，明代崇禎年間開始修譜，清康熙五十年（1711）再修。此譜續修於光緒九年、二十年，卷首內容豐富，有民籍、傳、家規、贊等，體例嚴謹。此光緒本僅印五十二部，分藏於族人，現存世已稀。可供治譜牒學以及湖北地方史者參考。

竟陵蕭氏家乘全書

宿字號

天承運

奉

周王若曰，吁！大心，惟爾邁跡自身，克紹先烈，循理而行，見義必爲，乃有亂臣、南宮萬等，奸宄攘奪，弑君謀立，殺戮無辜，播害國中。爾乃帥師致討，擇賢立君，既平賊亂，又安宋室，心甚忠矣，功莫大焉。予嘉乃績，錫爾土田，食采蕭邑，附庸宋邦，保義王家，爾其洪敷五典。

又爾顯德女，主欽哉，庶荒棄。

釐王元年 二月十五日

之寶

奉

天承運

皇帝勅曰，朕聞王者莫大於周文，霸者莫高於齊桓，要皆得良臣之助，賴賢人之力。今朕荷天之靈，得賢以輔，惟爾相國蕭何，起自秦吏，擢爲丞督，宜力不怠，賢勞克著，調變得宜，總理甚密，定律法，則萬民肅雍，餽糧餉，則三軍食足，起豐沛以從義，勳隆一時，全關中。

以待朕功高萬世茲得剖符分壤錫爾鄼侯之職食
戶八千之多劍履上殿入朝不趨子孫長享與國咸
休爾其欽哉無慢朕命

勅曰朕聞國家施慶人臣必及其閨閫所以重齊禮之
義念克助之勞也爾相國蕭何妻同氏幼嫻姆訓溫
恭出自性成夙著賢聲淑慎本於天授相夫以勤警
鷄鳴而操蘋蘩佐國以儉解雜佩以給軍費爾既克
盡內職理應顯膺褒嘉茲特封爾孝德一品夫人
夫偕榮翟弗以朝爾其休哉

勅命

大漢六年庚子正月丙午日

之寶

奉

天承運

皇帝勅曰，朕聞太子太傅，必需真才實學，苟非其人，曷稱厥職。爾御史大夫蕭望之，乃蕭皓之子，少明經術，早登甲第，始爲謁者，威儀不忒，繼爲諫議，讜言屢聞。守少府，而公帑無侵，爲馮翼，而政事有禮。及在鴻臚，

議論有餘，足徵所養之淹博，現職御史，執法無私，可知秉性之正直。敦厚周慎，有古君子之風，盡心補過，無忝大臣之道。真乃先民典型，可爲後生師範。茲特進爾爲太子太傅，爾其恪恭乃位，務引當道，再錫勅命，爾其欽哉。

勅曰：朕頌二南之詩，見大夫勞於王事，而勸之以正，相之以義者，皆夫人也。然則內助之賢，其可泯哉！爾御史大夫蕭望之之妻于氏，乃于定國之女，出自相府，來嬪名門，相夫勵職，慎率官箴，屢頒告命，封爲夫人。

今夫進爲太子太傅，理宜再封爲一品夫人，爾其益
篤芳徽，晉承繁祉。

勅命

五鳳二年七月十三日

之寶

奉

天承運

皇帝勅曰：朕聞開國成家，宜用君子；分茅胙土，當封功臣。爾河池太守蕭瑀，乃後梁明帝之子，先朝帝胄，當

代賢人智仁兼懷才德並茂朕在大業之季爾卽挈郡來歸旣識天時又明大義朕甚嘉爾親信無疑思爾祖宗乃宋之後其卽封爾宋國食采爲公爾其再續先猷懋乃攸績錫之勅命往卽乃封欽哉

勅命

武德元年正月十三日

之寶

唐蕭氏八葉宰相傳

宋祁奉勅撰

蕭瑀字時文，後梁明帝子也。愛經術，善屬文，性鯁直，鄙浮華。常謂劉孝標辦命論詭誕不經，乃著論非之。說以爲人稟天地而生，謂之命。至吉凶禍福，則繫諸人。今一歸於命，非先王所以教人者。通儒柳顧言、諸葛穎嘆曰：「是足鍼孝標膏肓矣。」晉王爲太子，授右常侍，卽帝位，出爲河池郡守。郡有鈔賊萬人，吏莫能制。瑀募勇士擊降之，悉捐貲以賜有功。唐高祖入京師，招之。瑀挈郡以歸。授光祿大夫，封宋國公。武德元年，遷內史令，委以庶政。

事無大小，莫不關掌。或引升御榻，呼曰蕭郎瑀，亦孜孜盡力，繩違過舉。人皆憚之上，便宜每見納用。手詔曰：得公言社稷所賴，朕既寶之，故賜黃金一亟，公其勿辭。是歲，州置七職，秦王爲雍州牧，以瑀爲州都督，嘗有詔下，未卽行，帝讓其遲。瑀曰：隋季內史宣勅，或前後相違，有司不知所承。今王業經始，事係安危，故臣每受一詔，必覆審，使與前勅不謬，始敢宣行。稽緩之愆，實由此也。帝曰：卿用心若此，朕何憂乎？初，瑀闕內田宅，悉賜勳家，至是還給之。瑀盡分諸宗族，惟畱廟室奉祀，餘悉無取。貞

觀初遷左僕射。帝嘗問曰：「朕欲長保社稷，奈何？」瑀對曰：「三代之君，所以能長久者，類皆封建諸侯，以爲屏藩。秦置守令，二世而絕。漢分王子弟，享國四百年。魏晉廢之，亡不旋踵。此封建之有明效也。」帝納之。始議封建，瑀議論明辨，不能容人短。會房玄齡等小有失，瑀卽劾奏，不報。罷爲太子少傅。拜河內巡省大使。九年，復參預政事。帝嘗曰：「武德之季，高祖有廢立之心，而未定。我不爲兄弟所容，實有功高不賞之懼。」瑀于爾時，不可以利誘，不可以死怯。真社稷臣也。因賜詩曰：「疾風知勁草，板蕩識